



Incö, domënia ai pröms de jügn, él gnü sughé l'ultima partida d campionat por la scuadra de 3^a categoria da La Val, fora de ciasa cuntra la scuadra da Neustift. Na partida dër combatüda y miritada dla próma pêrt, mo plö sofrida tl secundo tëmp. Ala fin é trames scuadres che se partësc i pun

ć, cun le resultat de 1 a 1.

Te chësta ultima partida vëgnel tignì a palsè val sogadûs por recuperè forzes y por nia rischìé amoniziuns che podess ester fatales por les partides de dezijiun. Floriani à arjigné impò na buna scuadra, che à fat bela parüda y tègn bòt ala scuadra aversara. La partida mët man nia mal por La Val, che tègn le pal bâs y lascia udëi de beles combinaziuns danter mezciamp y atach. Stefan à na buna ocajiun sön na trata dal ciantun, la trata al jôre ti röia adôs al portier che le rebat fora. Dedô é spo le pröm gol dla partida che toma, le atacant dl Neustift se infiltrëia da na pêrt it y mët n bel preparativ amez por le compagn che cun na bela trata bat le verdaporta Luki. 1 a 0 por le Neustift. Al 35ejim é spo le gol dla parité che toma. Sön n cross n pü massa lunch de Alexander é Alex E. che röia lassura mo atoca la stangia de porta, Romeo é sot porta y rebat le pal tla rëi. Le resultat é indo a parité y le jüch va inant. Dan la fin dl pröm tëmp é inciamò le zentrocampist Felix N. che á sua ocajiun, sön n bel preparativ de Alex E. röia Felix al limit dl'area mo la trata de püch sura porta fora. La plö gran ocajiun é spo ciamò Alex che à, al é bun de superé la defenjiun y va sù cuntra le verdaporta. La bela trata ti röia tles mans dl portier,

nia da nen fà, la rëi ne se möia nia plö dan le sciüre dl arbiter.

Le pröm tëmp se rõia sön le 1-1. N gran cialt sön le cíamp, i sogadûs y cunténç de podëi ji a se rinfreschè!

N secundo tëmp che fej plö sofrì la scuadra ladina. Le defenjiun nöia de chësta partida conzed val ocajiuns ai aversars che rõia ince a contluijun, mo sënza segné. Sön les situaziuns standard é i sogadus dl Neustift dér prigorûsc. Tosc é le atacant Alex E. che mëss lascè le cíamp sön burt intervënt sön la ciaidla de n aversar. Al é le portier Sepl K. che tôl sò post. Da tignì sô le pal ne vara nia plö cîs y l'alenadù é sforzè a cambié modulo. Ciamò Stefan à na ocajiun sön n bel preparativ al limit dl'area da pêrt de Alexander M., mo la trata rõia sura la stangia de porta fora.

Felix é le secundo a lascé le cíamp, sön n intervënt se fejel mè al I polpaccio y ne é nia plö bun de sughé inant, chësc vëgn sostituì cun le terzo portier Raimund. Ti ultimi 10 menü

é les forzes y la luzidité di sogadûs che lascia dô, ara ne va nia plö da impostè le jüch y an ciara de defënn bun. Le arbiter sciüra la fin, na partida dér patita por i sogadûs, che lascia le cíamp cun dui infortunà mo cun un n punt de gaiofa dér asuié. Sëgn él spo da recuperè les forzes por les partides de dezijiun. Cun chësc fin dl'edema se stlüj ince jö les partides de campionat de chësta sajun.

Na beliscima sajun por la scuadra da La Val, che à arjunt bun 51 punç tl rode C, cun 16 partides davagnades, 2 partides jüda fora ala pêr y 3 pordüdes. De gran compliménç ti va a dûta la scuadra y a sò alenadù Claudio, por l'impëgn desmostrè y por i bì resultaç portà a ciasa. N secundo post plö co merité. Ma inscio inant!!

Sëgn che le campionat 2013/14 é definitavamenter stlüt jö, à la scuadra da La Val ma plö un n travërt. Da odëi saral le resultat dla finala de Copa Provinzia danter le Ritten Sport y le Franzensfeste, che sarà fondamental por les partides de dezijiun. Ti cajo che le Ritten ess da avëi la miù sön le Franzensfeste, gnaral sughé 2 partides séées, danter les 3 scuadres al secundo post di rodi A,B,C de 3^a categoria y le Ritten. Les scuadres che arà la miù te chëstes döes partides jarà sò te categoria.

In cajo che le Franzensfeste ess da portè a ciasa la finala ne arà chësta scuadra nia plö bria de se sughé fora les partides de dezijiun por la promozion. Chësta scuadra é rovada pröma te sò rode de 3^a categoria y à podü insciö bele festejé la promozion dan la finala de Copa Provinzia. Te chësc cajo gnaral tignì n triangolare danter les scuadres secundes di rodi A,B,C de 3^a categoria cun la possibilté de promozion de 2 scuadres sön trëi.

In injunta pon ciafè informaziuns plö avisa sura les partides de dezijiun y i dis che al gnarà sughé (le ciamp daulache al gnarà tignì les partides gnarà publiché plö inant) : [spareggi.pdf](#)

In cört n pice chêder cun les partides y i resultać de chësta sajun 2013/2014, da alzè fora é le bun travërt dla defenjiun da La Val, che à ma lascè ite 18 goi te chësc campionat:

[resulta
c](#)

Formaziun titolara: Lukas Eder, Egon Frenes, Werner Sottara, Marco Castlunger, Elmar Valentin, Stefan Sottara, Max Nagler, Felix Nagler, Alex Elzenabumer, Romeo Rubatscher y Alexander Miribung.

Alenadù: Floriani Claudio

Sostituziuns:

Martin Ploner gñü ite imped Egon Frenes (45[^] menüt)

Sepl Kantioler gñü ite imped Alex Elzenbaumer (70[^] menüt)

Raimund Rubatscher gñü ite imped Felix Nagler (80[^] menüt)

Resultaç dles atres partides: [RESULTA Ç](#)





se d'ha d'adreçar a la següent pàgina per veure el resultat final del partit.